

五代史記注

五代史記卷第六十上

廬陵歐陽脩撰

徐無黨蘇轍注

南昌彭元瑞注

劉鳳誥排次

職方考第三

嗚呼自三代以上莫不分土而治也後世鑒古矯失始郡縣天下而自秦漢以來爲國孰與三代長短及其亡也未始不分至或無地以自存焉蓋得其要則雖萬國而治失其所守則雖一天下不能以容豈非一本於道德哉唐之盛時雖名天下爲十道而其勢未分旣其衰也置軍節度號爲方鎮鎮之大者連州十餘小者猶兼

三四故其兵驕則逐帥帥彊則叛上土地爲其世有玉

天子之勢屈於方鎮之兵方鎮之勢屈於所部之兵干其甚也將之廢置出於兵至五代國之廢置出於兵干

戈起而相侵天下之勢自茲而分然唐自中世多故矣

其興衰救難常倚鎮兵扶持而侵凌亂亡亦終以此豈

其利害之理然歟自僖昭以來日益割裂梁初天下別

爲十一南有吳浙荆湖閩漢西有岐蜀北有燕晉而朱

氏所有七十八州以爲梁輿地廣記梁有州七十八汴

萊徐宿鄆曹濮宋亳單穎陳蔡許汝鄭滑襄均房鄧隨

郢唐復安申蒲孟懷晉絳陝號華商同耀邠寧慶沂鄆

坊丹延夏銀綏宥靈鹽魏博貝衛莊宗初起并代取幽
澶相邢洛磁鎮冀深趙易祁定
滄有州三十五其後又取梁魏博等十有六州合五十

一州以滅梁岐王稱臣又得其州七同光破蜀已而復

失惟得秦鳳階成四州而營平二州陷于契丹文獻通考營州

唐末劉仁恭以遺契丹後唐莊宗滅仁恭而取其地既

滅梁復陷契丹迄晉漢周及宋皆不能取又平州唐

末劉仁恭以遺契丹後唐莊宗取之後復陷契丹契丹

改平州為遼興府以營平二州隸之號為平州路迄晉

漢周及宋其增置之州一增置一寰州合一百二十

皆不能取

三州以為唐輿地廣記唐有州一百二十三洛雍都汴

單穎陳蔡許汝鄭滑襄均房鄧隨郢唐復安申蒲孟懷

晉絳陝虢華商同耀寧慶衍鄜坊丹延夏銀綏宥靈鹽

岐隴涇原渭武秦成階鳳乾魏博貝衛瀘相邢洛磁鎮

冀深趙易祁定滄景德瀛莫幽涿檀順營平蔚朔雲

應新媯儒武忻代嵐石憲

麟府并汾慈隰澤潞沁遼

石氏入立獻十有六州于契

丹通鑑地理通釋石晉十六州攷契丹立石敬瑭為晉

帝敬瑭割幽薊瀛莫涿檀順新媯儒武雲應寰朔蔚

十六州以與契丹幽州東漢廣陽郡兼立幽州治薊縣
前燕都此隋立涿郡唐爲幽州范陽郡兼爲盧龍軍九域
志范陽盧龍兩城節度領縣九薊州隋徙元州於此置
漁陽郡唐開元十六年析幽州置治漁陽縣領縣三瀛
州河間郡後魏孝文置州治河間縣領縣五莫州文安
郡唐景雲二年以瀛州之鄭任邱文安清苑唐興幽州
之歸義置鄭州開元十三年以鄭鄭文相類更名治莫
縣本鄭縣領縣六涿州涿郡唐大厯四年節度使朱希
彩表析幽州之范陽歸義固安置治范陽本涿縣領縣
五檀州後魏立安州後周改元州隋立檀州安樂郡唐
更名密雲郡治密雲本漢庫奚縣領縣二順州通典順
州順義郡在范陽郡城幽州唐天寶初置治賓義縣九
域志化外順州領賓義一縣唐志突厥州順州貞觀四
年平突厥以其部落置于幽靈之境後僑治幽州城中
以上七州唐河北道新州唐志闕領縣四永興砦山龍
門懷安輿地廣記唐末置後唐同光二年升威塞軍節
度通鑑威塞軍防禦使李存矩在同光前唐河東道媯
州媯川郡北齊立北燕州後周曰燕州唐武德七年以
幽州懷戎置北燕州貞觀八年更名治懷戎本潘縣河
北道儒州與地廣記唐末置九域志領晉德一縣廣記

晉山縣朝野雜記晉山縣距燕京百八十里武州與地
廣記唐末置唐志領文德一縣後唐長興元年改殺州
關雲州雲中郡貞觀十四年自朔州北定襄城徙治定
襄縣治雲中縣本馬邑郡雲內之恒安鎮武德元年置
北恒州貞觀十四年置定襄縣開元十八年更名天寶
元年曰雲中郡升大同軍節度會昌三年置大同都團
練使治雲州乾符五年升大同都防禦使爲節度使應
州續通典故屬大同軍節度輿地廣記唐末置領金城
混源二縣後唐明宗金城縣人天成元年升彰國軍節
度使唐志代州北有大同軍雲州寰州職方考後唐明
宗置輿地廣記唐末置領寰清一縣武經總要按河東
記契丹寰州句注在州西北二十里卽西陞山也蓋代
州鴈門縣地朔州馬邑郡魏武帝置新興郡晉改晉昌
後魏置懷朔鎮及朔州隋爲馬邑郡領善陽馬邑二縣
蔚州後魏置懷荒禦夷二鎮及靈邱郡後周置蔚州隋
屬鴈門上谷二郡鴈門之靈邱上谷之飛狐唐武德六
年置州貞觀五年破突厥復故地天寶曰安邊郡至德
曰興唐郡領靈邱飛狐與唐三縣以上並河東道通
鑑注儒州領晉山一縣武州領文德一縣武州唐志有
之儒州蓋晉王鎮河東所表置後唐明宗天成元年以

與唐軍置寰州領寰清一縣隸應州彰國節度人皆以石晉割十六州為北方自撤藩籬之始余謂鴈門以北諸州奔之猶有關隘可守漢建安喪亂奔陁北之地不害為魏晉之疆是也若割燕薊順等州則為失地險然盧龍之險在營平二州界自劉守光僭竊周德威攻取契丹乘間遂據營平自同光以來契丹南牧直抵涿易其失險而得蜀金州又增置之州一通鑑地理通釋合

一百九州以為晉

輿地廣記晉有州一百九

宋亳單穎陳蔡許汝鄭滑襄均房金鄧隨郢唐復安申蒲孟懷晉絳陝號華商同耀邠寧慶衍威鄭坊丹延夏銀綏宥靈鹽岐隴涇原渭武秦成階鳳乾魏博貝衛檀相邢洛磁鎮冀深趙易祁定滄景德忻代嵐石憲麟府并汾慈隰劉氏之初秦鳳階成復入于蜀隱帝時增置澤潞沁遼

之州一

通鑑地理通釋

合一百六州以為漢

輿地廣記

百六汴洛都雍堯沂密青淄齊棣登萊徐宿鄆曹濮宋亳單穎陳蔡許汝鄭滑襄均房金鄧隨郢唐復安申蒲

孟懷晉終陝統華商同耀解邠寧慶衍威鄜坊丹延夏
銀綏宥靈鹽岐隴涇原渭武乾魏博貝衛澶相邢洛磁
鎮冀深趙易祁定滄景德忻代嵐郭氏代漢十州入于
石憲麟府并汾慈隰澤潞沁遼
劉旻通鑑地理通釋自太原以北十州入世宗取秦鳳
階成瀛莫册府元龜六年三月帝幸乾寧軍大治舟師以備北伐四月丁酉帝御龍舟率內六軍鳴
鼓棹順流而北自關之西河路漸溢水不能勝舟帝捨
舟入於瓦橋關偽莫州刺史劉信上表歸順五月乙巳
朔侍衛軍使李重進已下諸將相次師師而至是日偽
瀛州刺史高彥暉上表歸順關南平凡得州五縣十七
戶一萬八千三百六十一是行也王師數萬不發一矢
而疆界城邑皆迎刃而下通鑑地理通釋石晉獻十
六州於契丹顯德六年北伐取瀛莫定三關述律謂周
所取皆漢故地不足顧十四州之地皆可取矣世宗遇
疾功志及淮南十四州又增置之州五而廢者三通鑑地理
不就通釋增置州五濟濱雄合一百一十八州以爲周輿地
霸通廢州三衍武景

周有州一百一十八汴洛都雍兖沂密青淄齊棧登萊
徐宿鄆曹濮濟宋亳單潁陳蔡許汝鄭滑襄均房金鄧
隨鄆唐復安申蒲孟懷晉絳陝虢華商同耀解邠寧慶
威鄆坊丹延夏銀綏宥靈鹽岐隴涇原渭秦成階鳳乾
魏博貝衛瀘相邢洛磁鎮冀深趙易祁定滄德濱瀛莫
維霸府慈隰澤潞揚楚泗滁和光黃舒蘄廬壽海泰濠
通宋興因之冊府元龜顯德六年春諸道使臣迴總計
墾田一百八萬五千八百三十四頃淮南郡縣不在此
數通鑑地理通釋太祖受周禪凡州府軍監一百三
十九縣六百六十一軍監始自置屬縣與此中國之大
州府並列又宋太祖元年戶九十六萬此中國之大
畧也止有馬文正公集論財利疏昔太祖初得天下之時
異域通鑑地理通釋梁朱晃以汴州宣武軍建國升
爲東都開封府以唐東都爲西都廢京兆府爲雍州後
唐莊宗卽位於魏州同光二年升魏州爲東京興唐府
三年改爲鄴都滅梁遷洛京元年以太原爲西京鎮州
爲北都復汴州爲宣武軍永平軍爲西都二年以洛京
爲東都晉石敬瑭鎮太原卽位都洛陽徙都汴行闕以

太寧宮爲名升汴州爲東京開封府以洛陽爲西京雍州爲晉昌軍改興唐府爲廣晉府後爲鄴都漢劉髡卽位于太原都汴改晉昌爲永興軍廣晉爲大名府周郭威都汴廣順二年修大梁城三年築郊社壇作太廟于大梁顯德元年廢鄴都二年其餘外屬者強弱相并不以大梁城中迫隘詔展外城

常其得失至於周末閩已先亡而在者七國自江以下

二十一州爲南唐

馬令南唐書建國譜序自江以南昇潤常欽宣鄂池饒信江洪撫袁吉虔

一十五州自江以北揚楚泗和滁光黃舒蘄廬壽海濠

一十三州合二十八州楊行密專據以建吳國南唐因

之置泰州筠州又取汀建漳泉四州復置劍州共三十

五州之地號爲大國迨乎顯德世宗出師而遂取淮南

一十四州南唐君臣相顧猶懼其不免乃奉表稱貢趨走不暇削國降號何其速哉州三十有五昇州都吳因唐爲昇州徐溫建節陞建康軍南唐建都置江寧府潤州鎮海軍置丹陽宮尋罷常州以江陰縣別置軍歙州宣州寧國軍江州奉化軍洪州鎮南軍顯德五年東都入于周以州建南都撫州昭武軍以東南境別置建武

軍袁州吉州虔州百勝軍筠州保大十五年置揚州淮南建東都以六合置雄州俄罷復來隸以天長置天長軍鄂池饒信四州顯德五年入于周楚州順化軍顯德五年入于周泗州靜淮軍顯德五年入于周滁州顯德五年入于周黃州顯德五年入于周舒州顯德五年入于周周顯德五年入于周廬州保信軍顯德五年入于周壽州清淮軍顯德五年入于周海州顯德五年入于周濠州定遠軍顯德五年入于周元年置顯德五年入于周濠州定遠軍顯德五年入于周建州忠義軍保大三年取陞永安軍節度俄改忠義後降軍事汀州保大三年取劍州保大三年置漳州保大三年取改爲南州俄復舊泉州清源軍保大三年取清源軍節度使取之而復失者十有一州福州保大三年取羈縻而已四年入吳越潭州保大九年取十年失衡州保大九年取十年失岳州保大九年取十年失朗州保大九年取十年失永州保大九年取十年失道州保大九年取十年失全州保大九年取十年失邵州保大九年取十年失太平治跡統類開寶八年十月保大九年取十年失

六十五萬五千六十有五續通鑑長編太平興國三年四月己卯閏平海節度使陳洪進表獻所管漳泉二州得縣十四戶十五萬一千九百自劍以南及山南西

道四十六州爲蜀通鑑唐紀莊宗克蜀得節度十州六

武信永平武泰鎮江山南武定天雄武興昭武凡十節度西川爲蜀都不與也方輿勝覽蜀兵通鑑後唐明

宗天成元年郭崇韜時蜀騎兵三千步兵二萬四千孟知祥增置六千人營羅城內萬六千人分戍管內州

縣四千人分戍成都境內必千人分戍濱江諸州長興三年知祥克遂聞利夔黔梓六鎮得東兵三萬孟蜀之

兵垂十萬矣孟昶之降有十四萬人齊解甲之句則五代已前蜀兵之數可考玉海太祖取蜀凡得州四十

六縣二百四十戶五自湖南北十州爲楚續通鑑長編十二萬四千二十九

月盡復湖南舊地凡得州十四監一自浙東西十三州縣六十六戶九萬七千三百八十八

爲吳越吳越備史補遺州十三縣八十六戶五十五萬七

所管十三州一軍凡得縣八十六戶五十
五萬六百八十兵十一萬五千三十六

十七州爲南漢

續通鑑長編開寶四年南漢主降凡得州六十縣二百四十七戶十七萬二百六

三自太原以北十州爲東漢

續通鑑長編太平興國四年四月北漢平凡得州十

軍一縣四十一戶三萬五千二百二十兵三萬

而荆歸峽三州爲南平

東都事畧高繼

冲三州之地表納土

續通鑑長編表

合中國所有

二百六十八州而軍不在焉唐之封疆遠矣前史備載

而羈縻寄治虛名之州在其間五代亂世文字不完而

時有廢省

唐會要都護府有六五代會要後唐長興三年四月中書門下奏據十道圖有大都護

除單于北庭等府久不置外今具員內節度使中見有兩員外守安北都護安東都護今請祇以四大都護爲

定額仍以安東大都護爲首奉勅宜依其安南大都護安西大都護安北大都護次之

又或陷于

夷狄五代會要洮州後唐長興四年十一月升為保順

郡管密恭縣黨項部落也後唐長興四年升為保順

節度文獻通考洮州唐末陷於吐蕃號臨洮城太

平寰宇記夏州五代陷蕃綏州自唐末蕃寇侵擾所管

五縣並廢或陷在邊界亦無鄉里其民皆蕃族州差軍

將徵科原州三縣落蕃平高百泉平涼輿地廣記自

祿山之亂河右沒於吐蕃大中後吐蕃微弱首領張義

潮以瓜沙十一州來歸而宣懿德微不暇疆理名存有

司而已沙州後唐莊宗時升為歸義軍節度伊州五代

時曰胡盧磧為仲雲之族牙帳仲雲小月氏之遺種也

五代時為回鶻牙帳文獻通考唐天寶以後河西隴

右沒於吐蕃大中雖復河湟而名存實亡流五代以及

於宋而河隴為西夏所據方輿勝覽後周時節度周

行逢死敘州刺史鍾存志奔武陽而楊正岩以十洞稱

敘誠二州文獻通考靖州秦漢黔中地唐為夷播敘

三州之境後周時節度使周行逢死敘州刺史鍾存志

奔武陽而楊正岩以十洞稱敘誠二州通鑑注呂師

周攀洞縣崖入飛山洞襲潘金盛擒送武岡斬之飛山

在今靖州北十五里北諸山為最高峻四面絕壁千仞

環山有壕塹其遺址尚存 輿地廣記巫州唐衰沒於
溪洞珍州唐衰棄之承州唐衰棄之漆州唐衰棄之南
州唐衰棄之 方輿勝覽珍州五代復為蠻夷 文獻
通考珍州唐開山洞置州五代復為蠻夷 通鑑注明
宗時置懷化軍於慎州瑞州領遠來一 不可考究其詳
縣慎州領逢龍一縣蓋皆後唐所置
其可見者具之如譜 五代會要後唐天成三年閏八月
地圖今復權罷長興三年五月二十三日尚書吏部侍
郎王權奏伏見諸道州府每遇閏年准例送尚書省職
方地圖者頃因多事之後諸道州府舊本雖存其間郡
邑或遷館遞曾改添增鎮戍剏造城池竊恐尚以舊規
錄為正本未專詳勘必有差殊伏請頒下諸州其所送
職方地圖各令按目下郡縣鎮戍城池水陸道路或經
新舊移易者並須載之於圖其有山嶺溪湖步騎舟楫
各得便於登涉者亦須備載奉敕宜令諸道州府據所
管州縣先各進圖經一本並須點勘文字無令差悞所
有裝寫工價並以州縣雜罰錢充不得配率人戶其間
或有古今事迹地里山川土地所宜風俗所尚皆須備
載不得漏畧限至年終進納其畫圖候繳到圖經別敕

處分又三年五月二十九日尚書戶部奏當司所管
天下合貢方物於長興三年三月定到七十餘州舊例
冬至後齊到正仗前點檢至元日殿前排列當司引進
昨點檢今年正仗前內六十七州至其餘二十州自正
月至三月方到京師其江陵府所貢胎白魚勘問本道
進奏官狀稱每年臘月浥造至正仗未堪貢進其餘州
府未曾嚴加告諭請行敕命約束如來年正仗前貢物
不齊其本州官典量加殿罰又棣州合進蘿蘑子本州
稱無本色折進價錢絹一疋任土作貢豈合折錢其絹
價停敕江陵府胎白魚許於限內仗進餘依文獻通
考輿地考古冀州唐分置十五部此為河北道河東道
兼分入都畿關內道唐末營平二州陷于契丹梁初劉
仁恭父子據幽燕繼而為晉王所滅晉滅梁稱唐唐末
石敬瑭叛以幽涿薊檀順瀛莫蔚朔雲應新媯儒武寰
十六州賂契丹資其兵伐唐為晉晉亡漢繼之漢亡為
周劉昫據河東周世宗伐契丹取瀛莫二州周亡宋受
命太宗以太平興國四年平劉繼元盡得河東之地
又古兖州唐分置十五部此為河南道梁時滄德二州
為唐所有末年貝博二州為唐所取唐滅梁傳晉漢周
皆有其地又古青州唐分置十五部此為河南道河

北道安東府又古徐州唐分置十三部此為河南道
唐末海泗二州為楊行密所據其後為南唐周世宗伐
南唐取二州又古揚州唐分置十五部此為淮南道
江南道江南西道五代淮南江東西為南唐兩浙為吳
越閩為王氏其後南唐取閩至宋開寶八年取南唐太
平興國三年吳越納土始盡有揚州之地為淮南東西
路浙東西路江東西路福建路揚州人性輕揚而尚鬼
好祀每王綱解紐字內分崩江淮濱海地非形勢得之
與失未必輕重故不暇先爭然長淮大江皆可距守閩
越遐阻僻在一隅憑山負海難以德撫永嘉之後帝室
東遷衣冠避難多所萃止藝文儒術斯之為盛今雖閭
閻賤品處力役之際吟咏不輟蓋亦因顏謝徐庾之風
焉又古荊州唐分置十五部此為山南東道江南西
道黔中道兼分入淮南道及嶺南道宋乾德元年平荆
湖三年平蜀始盡得古荊州之地又古豫州唐分置
十五部此為都畿河南道兼分入山南東道及河東道
五代並都于汴宋因之又古梁州唐分置十五部此
為山南西道山南東道劔南道兼分入京畿隴右道及
黔中道唐末蜀地為王建所據後唐滅王氏而取其地
孟知祥復據之至宋乾德三年平孟蜀始盡得梁州之

地 又古雍州唐分置十部此為京畿關內道隴右道
 天寶盜起中國而河西隴右不守陷於吐蕃至大中咸
 通始復隴右 又古南越唐分十五部此為嶺南道五
 代時為劉氏所據宋乾德四年平南漢始盡得嶺南之
 地分為廣南東路西路五嶺之南人雜夷獠不知教義
 以富為雄珠厓環海尤難賓伏是以漢室嘗罷棄之大
 抵南方遐阻人強吏懦豪富兼并役屬貧弱俘掠不忌
 古今是同其性輕悍易興迷節爰自前代至於唐朝多
 委名德重臣撫寧其地也

州

梁

唐

晉

漢

周

汴

都

有

武宣

都

都

都

五代會要梁開平元年四月勅東京諸城門宜賜名額
 宋門為觀化門尉氏門為高明門鄭門為開明門梁門
 為乾象門酸棗門為興和門封邱門為含曜門曹門為
 建陽門天成四年五月勅汴州宮殿並去鴟吻賜本道
 節度使為治所其衙署諸門園亭名額並廢晉天福三
 年十月敕東京諸城門宜署名額南面尉氏門為薰風

門西面鄭門爲金義門梁門爲乾明門北面酸棗門爲元化門封邱門爲宣陽門東面曹門爲迎春門宋門爲仁和門其牌額宜令翰林院書敕呈進周顯德五年五月賜東京城門名南面三門曰朱明門景風門畏景門西面二門曰迎秋門肅政門北面三門曰元德門長景門愛景門東面二門曰寅賓門延春門又以大內舊匾賓天門爲通苑門又大內梁開平元年四月改正衙殿爲崇元殿東殿爲元德殿內殿爲金祥殿萬歲堂爲萬歲殿門如殿名大內正門爲元化門皇城南門爲建國門滴漏門爲啟運門下馬門爲昇龍門元德殿前門爲崇明門正殿東門爲金烏門西門爲玉兔門正衙東門爲崇禮門東偏門爲銀臺門晏堂門爲德陽門天王門爲賓天門皇城東門爲寬仁門浚儀門爲厚載門皇城西門爲神獸門望京門爲金鳳門三年十一月以乾文院爲文思院行從殿爲興安殿毬場爲興安毬場弓箭庫殿爲宣威殿又大寧宮晉天福二年五月御史臺奏汴州在梁室稱制之年有京都之號及唐莊宗平定河南復廢爲宣武軍至明宗行幸之時掌事者因緣修葺衙城門遂掛梁室時宮殿門牌額當時識者咸竊非之一時車駕省方暫居梁苑臣觀衙城內齋閣牌額

一如明宗行幸之時無都號而有殿名恐非善制臣等
竊惟秦漢以來寰海之內鑾輿所至多立宮名近代隋
室于楊州立江都宮太原立汾陽宮岐州立仁壽宮唐
朝于太原立晉陽宮同州立長春宮岐州立九成宮宮
中殿閣皆題署牌額以類皇居請准故事於汴州衛城
門權挂一宮門牌額則其餘齋閣並可取便為名敕行
闕宜以太寧宮為名三年十月敕汴州昇為東京其太
寧宮門樓宜以顯德為名晉天福二年七月改元德殿
為廣政殿門為廣政門四年改明德殿為滋德殿以宮
城南門同名故改之周廣順元年六月敕以薰風等門
為京城門明德等門為皇城門啟運等門為宮城門昇
龍等門為宮門崇元等門為殿門右已上東京又周
廣順二年正月詔開封府修補京師羅城率畿內丁夫
五萬五千版築旬日而罷顯德二年四月詔曰惟王建
國實曰京師度地居民固有前則東京華夷輻輳水陸
會通時向隆平日增繁盛而都城因舊制度未恢諸衛
軍營或多窄狹百司公署無處興修加以坊市之中邸
店有限工商外至絡繹無窮僦賃之資增添不定貧乏
之戶供辦實多而又屋宇交連街衢湫隘入夏有暑濕
之苦居常多煙火之憂將便公私須廣都邑宜令所司

於京城四面別築羅城先立表識候將來冬末春初農
務閒時卽量差近甸人夫漸次修築春作纔動便令放
散或土工未畢卽次年修築今後凡有營葬及興窰竈
井草市並須去標識七里外其標識內侯官中劈畫定
軍營街巷倉場諸司公廨院務了卽任百姓營造至三
年正月發畿內及滑曹鄭之丁夫十餘萬築新羅城仍
使曹州節度使韓通都部署夫役周顯德三年六月詔
輦轂之下謂之浩穰萬國駿奔四方繁會此地比爲藩
翰近建京都人物喧闐閭巷隘陋雨雪則有泥淖之患
風旱則多火燭之憂每遇炎熱相蒸易生疾疹近者開
廣都邑展引街坊雖然暫勞終獲大利朕自淮上迴及
京都周覽康衢更思通濟千門萬戶靡存安逸之心盛
暑隆冬倍減寒燠之苦其京城內街道濶五十步者許
兩邊人戶各於五步內取便種樹掘井修葢涼棚其三
十步已下至二十五步者各與三步其次有差又館
驛晉天福五年九月改東京上源驛爲都亭驛玉海
晉天福五年九月戊子改東京上源驛爲都亭驛在光
化坊舊制待河西蕃部冊府元龜同光元年十二月
壬申敕汴州僞庭所立殿宇諸門並去牌額復本名其
宣武軍額置干威安門所在宮苑卽充行宮應有不合

安鳴吻處並可去之 又顯德五年五月賜京新城諸
 門名額在寅曰寅賓門在辰曰延春門在巳曰朱明門
 在午曰景風門在未曰畏景門在申曰迎秋門在戌曰
 肅政門在亥曰元德門在子曰長景門在丑曰愛景門
 改大內東偏舊賓天門爲通苑門又以京城東新修驛
 爲懷信驛以待江南貢使焉 又顯德六年十二月改
 萬歲殿爲紫宸殿 太平寰宇記府境東南三百里南
 北三百五十里西至西京四百二十里西至長安一千
 二百五十里東至宋州三百里西至鄭州一百四十里
 南至蔡州五百里北至滑州二百二十里南至宋州三
 百一十八里東南至陳州三百一十里西南至許州二
 百一十五里東北至曹州二百二十里西北至孟州三
 百五十里 通鑑注契丹之入大梁也降開封府爲汴
 州防禦使 通鑑周顯德四年夏四月乙酉詔疏汴水
 北入五丈河注河自都城厯曹濟及鄆其廣五丈舊名
 五丈河宋開寶六年詔改名廣濟河薛史曰浚五丈河
 東流於定陶入於濟以通齊魯運路 玉海顯德六年
 二月丙子朔令王朴如河陰按行河堤立斗門於汴口
 甲申命韓令坤自大梁城東導汴水入於蔡水以通陳
 潁之漕命袁彥浚五丈溝渠東過曹濟梁山泊以通青

鄆之漕 又新城周同四十八里二百三十三步周世
宗廣而新之顯德二年四月展外城王朴主營度薛可
高史儉蓋萬康彥環之徒司工築舉宋滑曹鄭之民十
餘萬城之農隙興板築東作則罷陶穀爲之頌三年彰
信節度使韓通築石林燕語京師大內梁氏建國止
以爲建昌宮本唐宣武節度治所未暇增大也後唐莊
宗遷洛復廢以爲宣武軍晉天福中因高祖臨幸更號
太寧宮今新城是也其增展外羅城蓋周世宗始爲之
容齋隨筆古今言地險者以謂函秦宅關河之勝齊
負海岱趙魏據大河晉表襄河山蜀有劍門瞿唐之阻
楚國方城以爲城漢水以爲池吳長江萬里兼五湖之
固皆足以立國唯宋衛之郊四通五達無一險可恃然
東漢之末袁紹跨有青冀幽并四州韓遂馬騰輩分據
關中劉璋擅蜀劉表居荊州呂布盜徐袁術包南陽壽
春孫策取江東天下形勝盡矣曹操晚得兗州屈強其
間終之夷羣雄覆漢祚議者尚以爲操挾天子以自重
故能成功而唐僖昭之時方鎮擅地王氏有趙百年羅
宏信在魏劉仁恭在燕李克用在河東王重榮在蒲朱
宣朱瑾在兖鄆時溥在徐王敬武在淄青楊行密在淮
南王建在蜀天子都長安鳳翔邠華三鎮鼎立爲梗李

茂貞韓建皆嘗劫遷乘輿而朱溫區區以汴宋毫穎截
然中居及其得志乃與操等以在德不在險為言則操
溫之德又可見矣通志畧都邑序臣竊觀自昔帝王
之都未有建宸極於汴者雖晉之十六國徧處中州亦
未聞有據夷門者何哉蓋其地當四戰之衝無設險之
山則國失依馮無流惡之水則民多疾癘七國之魏本
都安邑為秦侵蝕不得已東徙大梁秦人卒決河流以
灌其城王假就虜一國為魚焉自是曠千三百年無有
居者朱全忠籍宣武資力以篡唐因而居汴未為都也
不及五六年梟獍殞命昏庸繼位或獻遷都之謀君臣
皆謂夷門國家根本不可遽易遂為京室唐兵之來梁
室之禍甚於王假晉遵覆轍邪律長驅取少帝如拾芥
視朱氏又酷烈焉

洛
都
都
都
都
都

五代會要河南府後唐同光三年詳定院奏近升魏州
為東京臣檢故事須先定兩府未審依舊以京兆及河
南為兩府太原興唐為次府惟復以興王之地理定府
名敕故事雍州為西京洛為東都太原府在兩府之次

近以中興大業以魏州為東京興唐府權名東都為洛
京今後依舊以洛京為東都魏州為鄴都興唐府與北
都太原府並為次府長興三年四月中書門下奏本朝
都長安以京兆府為上都洛陽以河南府為上從之
又河南府新安縣後唐天成二年二月升為次赤縣以
奉莊宗雍陵又大內梁開平二年正月改正觀殿為
文明殿含元殿為朝元殿三年十月改左右章善門為
左右銀臺門其左右銀臺門為左右興善門後唐同光
二年正月改朝元殿為含元殿崇勳殿為中興殿應順
門為永曜門太平門為萬春門通政門為廣政門鳳鳴
門為韶和門萬春門為中興門解慍殿為端明殿其年
九月以內園新殿為長春殿右已上西京又諸宮開
平元年五月以水北宅為大昌宮後唐天成元年六月
中書門下奏請以洛京潛龍舊宅為至德宮北京舊宅
為積慶宮從之晉天福二年十一月中書門下奏請以
洛京潛龍舊宅為廣德宮北京舊宅為興義宮北京舊
莊為慶昌宮仍改鄉為龍飛鄉里為神光里又城郭
後唐天成元年四月敕京師都之內古無郡城本朝多事
已來諸侯握兵自保張全義土功斯設李罕之砦地猶
存時已擴清固宜除剗若特差夫役又恐擾人宜令河

南府先分劈出舊日街巷其城壕許占射平填便任蓋
屋宇其城基內舊有巷道處便爲巷道不得因循妄有
侵射仍請射後限一月如無力平劃許有力人戶占射
平填冊府元龜同光二年八月勅三川奧壤四海名
區爲帝王光宅之都乃符瑞薦臻之地周朝始建卜年
遂改於延洪漢室中興卽土是圖于遠大咸茲建極至
我本朝壯麗可觀浩穰爲最千門萬戶實爲富庶之鄉
接庶連甍宛有升平之俗而自僞梁僭逆諸夏憑陵尋
干戈而虛用蒸黎恣塗炭而毒流草木依憑兔苑嘯聚
梟巢遂令輦轂之間鞠興蕪沒之歎朕自削平大憝纂
綱丕圖重興仁維之都永啟朝宗之會將資久遠須議
葺修務令壯觀于九重實在駢羅于萬戶京城應有空
閒地在諸色人請射蓋造藩方侯伯內外臣寮于京邑
之中無安居之所亦可請射各自修營其空間有主之
地仍限半年本主須自修蓋如過限不見屋宇亦許他
人占射貴在成功不得虛占是月辛巳詔曰朕刷盪妖
氛收復京輦三靈胥悅萬國駿奔凡在照臨畢同欣戴
或出司土宅入觀朝廷若無列地于神州何表愛君之
誠節諸道節度觀察防禦團練刺史等並宜令雒京修
宅一區旣表皇居之壯麗復佳清雒之浩穰因我后之

化家觀羣居之戀闕 又同光三年三月詳定院奏近
升魏州爲東京簡諸道州縣須先定兩府始可各定官
品未審依故事京兆河南爲兩府太原興唐爲次府惟
復以興王之地別有進止敕不唯府額各定于等差兼
亦都名須正于升降將爲經久之制宜遵固本之文本
朝故事雍州爲西京京兆府雍州爲東都河南府是謂
京都兩府并州舊爲北都太原府在兩府之次近以中
興大業以魏州爲東京興唐府權謂東京爲雒京竊以
雒京歷代帝王之都四方朝貢所便爰自漢魏迄于隋
唐方建都城是比宸極宜依舊以雒京爲東都魏州改
爲鄴都興唐府與北京大原府並爲次府豈獨設官分
職命秩免惑于有司抑亦畫界分疆取則無違于故事
又同光三年六月壬戌敕河南府開永通厚載二門
應京城內空閒地如本主有力卽速令蓋造若不修營
卽許諸色人請射起屋其月左諫議大夫崔慤上言曰
臣伏見雒都頃當制葺之初荒涼至甚纔通行徑徧是
荆榛此際集人開耕便許爲主或農或圃逾三十年近
歲居人漸多里巷頗隘須增屋室宜正街坊都邑之制
度旣成華夏之觀瞻益壯因循未改汚濁增深竊惟舊
制宮苑之側不許停穢惡之物今以菜園相接宗廟祠

宇公府民家穢氣薰蒸甚非獨潔請議條制俾令四方
則之八月左補闕楊途奏明君舉事須合前規竊見京
城之內尚有南州北州縱市井不可移改城池卽宜毀
廢復見都城舊牆多已摧塌不可使浩穰神京旁通綠
野徘徊壁壘俯近皇居無或因循常宜修葺初光啟末
張全義爲河南尹爲蔡賊所攻乃于南市一方之地築
壘自固後更于市南又築嘉善坊爲南城天復修都之
際元未毀撤途所奏頗適事宜又同光三年九月中
書奏右補闕楊途先奏毀廢京內南北城臣簡到同光
二年八月二十七日河南尹張全義奏臣自僖宗朝叨
蒙委寄節制雒京臨蒞之初須置城壘臣乃取南市朝
界分兼展一兩坊地修築兩城以立府衙廨署今區宇
一平理合毀廢其城壕如一時平治卽計功不少百姓
怙時難爲差使今欲且平女牆及甕門餘候農隙別取
進止者奉敕云云庚申新作興教門樓又明宗長興
元年正月宗正少卿李延祚奏請止絕車牛不于天津
橋來往又二年六月戊辰應京城六街及諸間坊先
許人修建屋室如聞侵地太多乃至不通車駕今後蓋
造外須通車馬或有越衆牽蓋並須畫時毀拆并果園
池亭外餘種蒔菜園空閒田地如本自辦卽限三月內

蓋造須畢如自不辦並許人收買敕旨伊維之都皇王
所宅乃夷夏歸心之地非農桑取利之田當亂離而曾
是荒涼及開泰而競爲修葺從來聞寂多已駢闐永安
天邑之居宜廣神州之制宜令御史臺兩街使河南府
專切依次第擘畫曉示衆多勿容侵越或有便利亦可
臨時詳度奏聞其月河南府奏准敕京城坊市人戶菜
園許人收買切慮本主占佃年多以鬻蔬爲業固多貧
窶豈辦蓋造恐資有力轉傷貧民敕旨都邑之間殷繁
是貴欲九重之轉盛在百堵以齊興作事斷自于不疑
出令必歸于畫一比據巡司申奏爲亂射土田遂設規
程令還價直只要增修舍屋添葺閭閻貴使華夏共觀
壯麗朝廷以邦本興隆之計務使駢闐府司以園圃價
例之間恐傷貧下備詳敷奏須議允俞其在京諸坊若
是有力人戶及形勢職掌曹司等已有居第外于別處
及連宅置得菜園令園子主把或典賃與人者並准前
敕價例出賣不得輒有違越如實是貧窮不濟人戶置
得園圃年多手自灌園身自賣菜以供衣食者則與等
第特添價直仍買者不得廣置地位各量事力須議修
營並要酌中庶無踰越 又三年二月庚申修平頭門
樓畢名乾通之門 又晉高祖天福二年正月丙寅改

中興殿中興門為天福殿天福門又廣順三年六月
維京武行德言五鳳樓西面朶樓北磚座落一丈三尺
萬數又世宗顯德元年七月西京留守武行德率其部民
帝以維表城隍類缺有日矣因面諭行德令葺之由是
徵丁夫數千而加板築焉太平寰宇記府境東西三百
百四十里南北三百四十里東至東京四百六十里西
至長安八百六十里東至鄭州二百七十里南至汝州
一百八十里西至陝州二百五十五里北至澤州二百
里東南至許州三百二十里西南至虢州四百六十五
里西北至絳州五百里東北至懷州一百四十里又
土產桑白皮桔梗元參丹參旋覆花大戟白蠟半夏
花峭粉以上並入貢文獻通考河南府
漢乾祐中置陵縣周顯德中廢陽城縣

雍

有

平永

都

有

昌音

有

有

興永

五代會要京兆府梁開平元年四月改長安縣為大安
縣萬年縣為大年縣後唐同光元年十二月復大安縣
為長安縣大年縣為萬年縣晉天福七年十月敕改西
京為晉昌軍留守為節度觀察使仍依舊為京兆府在

七府之上周廣順元年六月降京兆府同五府長安萬

年縣爲次赤縣又京兆府醴泉縣後唐長興元年五

月敕京兆府醴泉縣依舊爲次赤縣又華清宮晉天

福四年五月廢爲靈泉觀又四年三月西京留守王

思同進擬開駱谷路圖上指山險謂侍臣曰如此之險

何以開道左右奏曰據興元關內兵戎交番及轉餉大

散修開斜谷路迂迴校五百里如從駱谷自雍京直抵

興元糧戍稍便然此路險阻尤甚以此竭力開通將來

霖雨亦煩修葺上僉勉從其奏竟無成功而止冊府

元龜同光二年二月壬午西都奏重修華清宮溫湯屋

宇太平寰宇記州境東西三百一十里南北四百七

十里東至東京一千二百七十里南至西京八百五十

里東至華州一百八十里東南至商州二百六十里南

取庫谷路至金州六百八十里西南至洋州六百四十

里正西微北至鳳翔府三百一十里西北至邠州三百

里北至坊州三百五十里正東微北至同州二百五十

里土產縹紗地骨皮鞣蘊絮席酸棗仁已上貢萬年縣

梁開平元年改爲大年縣後唐同光元年復舊名長安

縣梁開平元年改爲大安縣後唐同光三年復舊名武功

縣後唐同光中割屬鳳翔長興元年却復京兆好時縣

後唐同光年中割好畤屬鳳翔長興元年却還京兆
長安志梁以同官奉先二縣屬同州以富平三原屬耀
州以奉先還隸武功縣後唐同光中隸鳳翔長興元年
還屬京兆府又唐華清宮祿山亂後天子罕復遊幸
唐末遂皆圯廢晉天福中改為靈泉觀賜道士居之
文獻通考梁以同官奉先二縣屬同州後唐以富平雲
陽三原屬耀州以奉先還隸

兖

有

泰寧

有

有

有

有

罷

五代會要兖州周廣順二年五月降為防禦州以慕容
彥超叛命初平故也又周顯德元年十月以萊蕪監
為廣利軍從前監使張崇謙奏請也至六年十一月復
廢為萊蕪冶太平寰宇記兖州自唐末至漢並為秦
寧軍節度周廣順二年降為防禦州以慕容彥超叛命
初平故也州境東西一百七十里南北三百一十九里
西南至東京六百里西南至西京一千里西南至長安
二千里東至沂州三百八十五里南至徐州三百九十
六里西至濟州一百五十里北至齊州三百三十里西
南至單州三百二十里東南至徐州三百四十里東北

至淄州三百七十里西北至鄆州一百八十里監境東
西一百一十五里南北一百一十里圖經未有至東西
二京里數西至乾封縣四十五里南至泗水縣四十里
東至沂州新泰縣界七十里北至齊州亭山縣界七十
里西南至乾封縣界五十七里東北至淄州淄川縣界
八十里西北至齊州歷山縣界六十三里元豐九域
志兖州唐泰寧軍節度周降防禦 輿地廣記兖州唐
升泰寧軍節度周降防禦 文獻通考兖州周爲防禦
以任城金鄉屬濟州

沂 有 有 有 有

太平寰宇記州境東南三百里南北三百七十五里西
至東京一千七十五里西至西京一千四百十五里西至長安
二千二百八十里東南至泗州下邳縣二百七十七里北
至青州四百五十里西至徐州三百五十里東北
至密州三百七十里西北至淄州五百三十里

密 有 有 有 有

太平寰宇記州境東西三百六十一里南北三百九十五里西至東京一千五百里西至西京一千八百八十五里西至長安二千七百四十五里東至大海一百六十里南至海州三百八十四里西至沂州三百七十里北至青州三百三十里東南至海州一百六十里西南至沂州一百六十里西北至青州一百六十里東至萊州三百四十五里土產細布牛黃海蛤出瑯琊臺常以三月候海潮上下方採已上並舊貢文獻通考密州漢為防禦周為軍事

青

有平盧

有

有

有

有

五代會要青州晉開運元年十二月降為防禦州與登萊淄三州並屬京以楊光遠叛命初平故也至漢天福十二年六月復舊為平盧軍節度太平寰宇記青州晉開運元年降為防禦州以楊光遠叛初平故也天福十二年復舊為平盧軍節度州境東西二百七里南北二百五十里東至東京一千一百三十里西至西京一千五百五十里西南至長安二千四百一十五里東至萊州界二百一十六里東至密州三百三十里南至沂

州四百五十里南至密州三百四十五里西至淄州一百二十里北至棣州二百四十八里東南至密州三百三十三里西南至淄州一百八十八里西北至棣州三百九里東北至海州一百八十八里又東北至萊州三百四十五里博興縣後唐諱昌改為博興 輿地廣記博昌後唐避諱改為博興 文獻通考青州晉為防禦漢復為平盧軍節度博興後唐改為平盧軍博縣後唐改

淄 有 有 有 有

太平寰宇記州境東西一百二十五里南北一百八十二里西南至東京八百四十五里西南至西京一千二百四十里南至長安三千二十五里東至青州一百二十里南至兖州三百七十里西至徐州二百里北渡河至棣州二百一十里東南至沂州五百二十里西北至齊州五百二十里東北至青州一百里土產防風貢

齊 有 有 有 有

太平寰宇記州境東西二百七十五里南北二百四十五里西南至東京九百里西南至西京一千二百四十

五里西南至長安二千一百八十里東至潞州二百里
正南微西至兖州三百三十四里西渡河至博州二百
九十六里北至德州二百四十里北渡河至棣州三百
五十三里東南至兖州四百四十五里東南至鄆州二
百四十里西北至德州二百四十里
十里東北至棣州一百四十里

棣

有

有

有

有

有

太平寰宇記州境東西三百四十九里南北一百四十
二里西南至東京一千一百里西南至西京一千四百
三十里西南至長安二千二百九十里東至濱州八十
里西至德州二百里南至淄州一百八十里北至滄州
二百七十里東南至青州二百四十里西南至齊州二
百五十里東北至濱水渤海縣界四十里西北至滄州
二百三十里土產絹貢棣州陽信縣後唐同光三年割
屬棣州 文獻通考棣州周以蒲臺渤海二縣置濱州

登

有

有

有

有

有

太平寰宇記州境東西四百九十五里南北一百六十
三里西南至東京一千九百五十里西南至西京二千

三百七十里西南至長安三千里東至文登縣界大海
四百九十里南至萊州昌陽縣二百一十里西至大海
四里當中國往新羅渤海大路北至大海三里東南至
海州四百六十里西南至萊州四百里正北微東至海
北岸都里鎮五百三十里
土產文蛤牛黃已上舊貢

萊有有有有有

太平寰宇記州境東西一百二十里南北二百四十五
里東南至東京一千五百里西南至西京一千九百里
西南至長安二千七百六十里東至登州四百里東北
至登州四百里南至青州三百四十五里正南微西至
密州三百六十里西至大海二十九里北至海五十里
東南至海二百五十里西南至青州界一百二十九里
西北至海二十一里土產牛黃貢文蛤貢石器貢萊陽
縣故昌陽縣後唐莊宗同光元年避國諱改爲萊陽縣
文獻通考萊州萊
陽漢昌陽縣後漢改

徐有有有有有

太平寰宇記州境東西二百八十五里南北二百二十
五里西至東京七百里西至西京一千二百二十里西
至長安二千八十里東至海州三百六十里南至宿
州一百四十里西至宋州三百六十里北至兖州三百
里東南至泗州四百六十里西南至亳州三百九十里
西北至單州三百七十里東北至沂州三百五十里土
產禹貢浮磬孤桐蠙珠暨魚今蠙珠
已絕浮磬時有歲貢五色土各一斗

宿

有

有

有

有

有

太平寰宇記州境東西三百五里南北三百一十一里
西北至東京六百三十里西北至西京一千二十里西
北至長安一千九百四十里東至泗州三百三十五里
西至亳州永城縣一百五里西至壽州壽春縣二百五
十里北至徐州邳縣一百四十里東南至濠州一百九
里東北至下邳縣二百三十里西南至濠州城父縣二
百九十九里西北至徐州蕭
縣一百一十里土產絹貢

鄆

有

平天

有

有

有

有

太平寰宇記州境東西一百五十九里南北二百三十
五里西南至東京六百里西南至西京一千里西南至
長安一千八百里東至兖州二百里西至濮州一百八
十八里南至曹州二百三十里北至博州一百七十里
東南至兖州一百三十五里西南至濮州一百四十五
里東北至濟州二百五十里西北至度河取朝城縣路
至魏州二百三十里須城縣隋更立須昌縣於今理後
唐改為須城縣避國諱也輿地廣記鄆州須昌後唐
避廟諱改為須城文獻通考鄆州周以鄆
城鉅野二縣屬濟州須城秦須昌縣後唐改

曹

有

有

有

有

有

有

有

五代會要曹州濟陰縣後唐天成四年十一月升為次
赤以奉景宗陵太平寰宇記州境東西二百五十九

里南北二百五十九里西南至東京二百二十里西至
西京六百五十里西至長安一千五百二十里東至

單州一百八十里至廣濟軍三千五百里南至宋州一
百八十里北至濮州一百八十里東至宋州楚邱縣八

里西南至開封府考城縣八十里東至宋州楚邱縣八
一百四十里西北至澶州衛南縣一百八十二里土產

絹貢蛇牀子貢唐定陶鎮周廣順中於定陶建廩
庾椎餼饒之利 文獻通考梁以考城屬開封府

濮 有 有 有 有

太平寰宇記州境東西二百二十五里南北一百四十
五里西南至東京三百一十二里西南至西京七百九
十五里西南至長安一千六百五十五里東至鄆州一
百八十里西南至曹州二百一十里西至滑州二百一
五里北隔黃河二十里渡河至魏州一百六十里東南
至兖州三百六十九里西北至相州三百三十三里東
至齊州二百四十八里土產絹貢
文獻通考濮州晉以濮陽屬滄州

濟 有 有 有 有
太祖置

太平寰宇記州境東西一百五里南北一百五十五里
西至東京四百五十里西南至西京八百七十里西南
至長安一千七百二十里東至兖州鄆縣一百三十五
里西至濮州雷澤縣八十五里南至單州城武縣一百
一十里北至鄆州一百一十五里東南至徐州豐縣二
百二十五里西南至曹州一百五十里東北至兖州一

百三十五里西北至
濮州一百四十五里

宋

有

宣武

有

德歸

有

有

有

五代會要梁貞明六年閏六月敕宋州為大都督府
太平寰宇記州境東西二百二十五里南北二百六十
五里西至東京三百里有通濟渠水陸並通西至西京
七百二十里西至長安一千五百八十里東至徐州西
界二百一十里南至亳州西界一百三十二里西至東
京襄邑縣九十五里北至單州一百八十里東南至毫
州譙縣界一百八十里東北至兖州四百一十七里西
至曹州二百八十里東至開封府碭山屬輝州聞見
獻通考宋州梁以襄邑屬開封府碭山屬輝州聞見
近錄南京去汴河五里河次謂之河市五代國初官府
畢至舟車所聚四方商賈孔道也其盛非宋州比凡郡
有宴設必召河市樂人故至今俳優曰河市樂人者由
此也

毫

有

有

有

有

有

太平寰宇記亳州開平二年升為防禦州後唐為團練州晉復為防禦州城父縣唐末避梁王諱改為焦夷後唐同光元年復舊名州境東西二百六十七里南北二百里西至東京四百八十六里西至西京八百九十里西至長安一千七百四十里東至徐州五百里正南微東至潁州運路二百六十里西至陳州二百里西南至陳州三百九十二里西北至泗州三百四十里東北至徐州三百四十里土產絹貢 文獻通考亳州梁為防禦州

單

有輝州

有改日單州

有

有

有

五代會要梁開平元年十二月於輝州碭山縣置崇德軍太祖榆社在碭山置使以領之始命朱彥讓為軍使

太平寰宇記州境東西一百四十五里南北八十五里西至東京三百五十里西至西京七百七十里西至長安一千六百八十里東至徐州二百六十里西至曹州一百三十里南至亳州二百七十里西南至宋州一百五十里東南至宿州三百七十里北至濟州一百四十五里東北至兖州二百七十里西北至濮州二百五

十里

穎

有

有

有

有

有

太平寰宇記穎州漢初升為防禦州廣順二年復為團練州州境東西三百七十里南北三百三十五里北至東京六百五十里西至西京九百二十里西取陳州路至長安一千八百二十里東至壽州二百五十八里南至光州三百八十九里西至蔡州四百里北至亳州二百六十里東南至壽州二百六十里西南至蔡州褒信縣二百二十五里西北至陳州三百里東北至徐州蘄縣四百四十五里土產花官絕綿已上貢元豐九域志穎州漢為防禦周為團練以下蔡屬壽州

陳

有

有

有

有

有

復

太平寰宇記州境東西一百三十里南北一百四十五里西北至東京二百四十五里西至西京七百里西至長安一千五百里東至亳州二百里南至蔡州平輿縣二百里西至許州二百八十里北至雍邱縣二百二十

三里東南至潁州三百里西南至蔡州二百一十里西北至開封府三百一十里東北至宋州二百二十五里

文獻通考梁以

太康屬開封府

蔡

有

有

有

有

有

太平寰宇記蔡州漢初升為防禦州州境東西二百九十
里南北二百四十里北至東京四百七十里西北至
西京六百二十里西南至申州二百六十八里西至唐州二百
七十里北至海州三百二十里東南至光州淮水中流
為界二百六里西南至唐州桐柏縣一百八十里西北
至汝州襄城縣二百八十里東北至陳州二百六十四
里又土產舊貢龜甲雙距綾四窠雲花鵲鷺綾文
獻通考蔡州
漢為防禦

許

有

國

有

武

有

有

有

太平寰宇記州境東西一百五十五里南北二百五里
東北至東京二百一十五里西北至西京三百三十里

西至長安一千二百六十里東至陳州二百八十里正
南微東至蔡州三百二十里北至鄭州一百八十里西
南至汝州一百八十里東南至陳州三百里西北至河
南府三百三十里輿地廣記許昌後唐避諱改曰許
田繁昌後唐避諱改為繁城文獻通考許
州梁以扶溝鄆陵二縣屬開封許田後唐縣

汝

有

有

有

有

有

太平寰宇記汝州梁開平四年升為防禦州州境東西
二百一十里南北二百四十里東北至東京四百里西
北自伊闕縣路至西京一百七十里南至鄧州四百九
十里東至許州一百八十里東南至蔡州四百五十里
至登封縣一百一十里又西南至虢州七百五十里南
至鄧州四百七十五里又西南至虢州七百五十里東
伊闕縣八十里龍興縣廢臨汝縣周顯德三年廢入
梁縣其地為鎮文獻通考梁為防禦周廢臨汝縣

鄭

有

有

有

有

有

五代會要鄭州管城縣周顯德六年十月升為次赤以
奉世宗陵新鄭縣周顯德元年八月升為次赤以奉太

祖嵩陵 太平寰宇記州境東西八十五里南北一百九十五里東至東京一百四十里西至西京二百八十里西至長安一千一百四十里南至許州二百八十里北至懷州獲嘉縣八十里卽以黃河中流爲界共九十里東南至開封府尉氏縣一百三十里西南至河南府密縣一百七十里西北至懷州一百五十六里東北至滑州二百八十四里土產鳳翽席尤佳舊貢管城縣周世宗慶陵在邑界新鄭縣周太祖嵩陵在邑界自然山下文獻通考梁爲防禦以陽武中牟二縣屬開封府

滑

有

宣義

有

成義

有

有

有

五代會要開運二年六月吏部奏其四輔州鄭汝州仍舊爲輔州同華州准敕旣廢雍京不合爲輔州欲定爲望州滑州曹州比類近京欲升爲輔州從之 太平寰宇記州境東西三百九里南北一百五十七里南至東京二百二十里西南至西京一百五十八里西南至長安一千四百四十里東至濮州二百二十里西至衛州一百一十六里北至衛州一百六十五里東南至曹州二百一十五里西南至鄭州二百八十四里西北至衛

州一百三十二里東北取黎陽路至相州一百三十里
土產方文綾舊貢靈河縣隋置靈昌縣後唐同光元年
改為靈河避國諱也又通利軍理黎陽縣唐屬衛州
晉天福中割隸滑州皇朝雍熙四年割屬澶州端拱元
年建為通利軍縣屬焉輿地廣記滑州後唐改靈昌
為靈河文獻通考滑州梁以酸棗正城屬開封府晉
以衛南屬澶州以衛州黎陽
來屬靈河隋靈昌縣後唐改

襄

有

初曰忠義
後復為山
南東道

有

有

有

有

太平寰宇記州境東西二百四十六里南北三百六十
七里東北至東京九百里東北至西京八百五十五里西
北至長安一千八百五里東至隨州三百五十里南至
荊州荊門軍三百二十五里至荊州四百七十里西至
房州四百七十里水路五百八十四里北至鄧州一百
八十二里西至均州三百六十里東南至鄂州三百七
十里西南至陝州六百一十九里西至光化軍一百
八十里東北至唐州二百五十里土產鹹乾魚貢

均

有

有

有

有

有

太平寰宇記州境東西三百六十六里南北一百四十五里東北至東京九百八十里東北至西京八百八十五里東北至長安九百里東至鄧州二百四十四里南至房州二百六十八里西至金州七百里北至鄧州內鄉縣二百六十八里東南至襄州三百七十里西北至商州上津六十里西南至房州三百七十二里西北至商州上津縣石丹山界三百四十四里東北至鄧州三百四十四里土產麝羊舊貢

房

有

有

有

有

有

太平寰宇記州境東西二百五十里南北二百五十四里東北至東京一千五百里東北至西京一千五百五十五里西北至長安一千四百六十八里東至襄州四百二十四里西北至長安一千四百六十八里南至歸州山路五百里西至金州五百五十里北至均州二百六十里東南至襄州界四百九十里西南至金州界五百七十八里東北至襄州界一百七十八里方輿勝覽陳希夷撰修城記云歷五代亂離無兵火之患誠久安之地也

金

有蜀

武雄

有蜀

有

懷德尋罷

有

有

太平寰宇記州境東西四百里南北二千里東北至東京一千九百里東北至西京取庫谷路一千五百四十二里取藍田路一千八百六十里北至長安取庫谷路六百八十里取藍田路一千一百六十里東至均州七百二十里西至洋州五百里南至夔州五百一十四里東至房州五百四十八里北至京兆府界五百六十六里西北至通州一千一百里西北至京兆府長安縣界五百九十里東北至商州六百六十里方輿勝覽五代前蜀王建改雄武軍石晉置懷德軍

鄧

有

宣化

有

威勝

有

有

有

武勝

太平寰宇記州境東西二百六十里南北二百九十里東北至東京八百里西北至長安九百五里東至唐州三百二十里南至襄州一百八十里西至商州六百四十八里北至汝州四百九十里東南至唐州四百一十二里西南至均州二百四十里西北至虢州七百里東北至汝州四百七十五里土產絲布貢白菊花貢其花在騎立山有人戶看守輿地廣記浙川五代時復置浙川屬鄧州文獻通考鄧州浙水朱梁縣

隨

有

有

有

有

有

太平寰宇記州境東西三百七十里南北二百十里東至東京一千一百里西北至西京一千一百六十五里西北至長安一千四百三十五里東至安州一百五十里西至襄州三百五十里南至郢州四百六十里東至申州二百四十四里北至唐州三百六十里西北至唐州四百三十五里東南至安州三百六十里

郢

有

有

有

有

有

太平寰宇記州境東西一百六十五里南北五百二十五里北至東京一千二百里西北至西京一千二十五里西北至長安一千三百八十五里東至安州三百二十九里南至復州三百里西至江陵府二百八里北至襄州三百一十里東南至復州界一百五十六里西南至江陵府界八十里西北至襄陽界三百十六里東北至隨州四百六十里土產貝母貢文獻通考郢州周廢富水入京山

唐

有

有

有

有

有

太平寰宇記唐州唐末移于泌陽梁改爲泌州後唐同
光初復舊名晉又改爲泌州漢初復舊名州境東西三
百二十里南北三百三十里東北至東京七百里西北
至西京七百里西北至長安取葉縣路一千五百里取
鄧州路一千二百二十里東至蔡州二百七十里西至
隨州四百里西至鄧州三百二十里北至汝州四百二
十里取葉縣路一百八十里又自葉取龍興路至汝州
一百八十里東南至申州二百六十里西南至襄州三
百五十里西北至汝州魯山縣四百三十里東北至蔡
州吳房縣三百一十九里比陽縣廢慈邱縣周顯德三
年改爲比陽 文獻通考唐州梁改
爲泌州後唐復晉文爲泌州漢復

復

有

有

有

有

有

太平寰宇記復州晉天福五年爲防禦州州境東西一
百八十里南北四百五十里北至東京一千四百里西
北至西京一千四百二十五里西北至長安一千六百
八十五里東至舊沔州陸路三百四十里水路七百里
南至沔陽縣陸路一百四十里自縣南至岳州水路五
百里西至江陵府四百八十里北至鄧州私路二百五

十里官路三百里東南至蜀江水流爲界七百四十里
西南至赤岸港爲界三百五十七里西北至乞火山東
與郢州爲界三百五十四里東北至安州三百四十里
與地廣記復州景陵隋開皇初州自建興移治此仁
壽二年州仍治建興貞觀七年移治沔陽
五代時又徙治此 文獻通考晉爲防禦

安

有宣威

有安遠

有罷軍

有復

有罷

太平寰宇記州境東西三百里南北二百七十里東北
至東京一千一百里西北至西京一千二百里西北至
長安二千二百里取隨州路一千五百九十里東至黃
州三百一十里南至漢陽軍三百一十里西至郢州三
百二十里北至信陽軍二百五十七里西南至復州三
百四十里西北至隨州一百五十里東北至光州四百
四十三里應城縣梁開平元年爲國諱改爲應陽縣後
唐同光元年復舊名 輿地廣記安州應城天祐二年
改曰應陽後唐復故孝昌後唐改爲孝感 文獻通考
安州周以郢州漢川來屬孝感後唐縣

申

有

有

有

有

有

太平寰宇記皇朝開寶九年以戶少降爲信陽軍軍境東西一百三十里南北一百三十五里東北至東京七百五十里西至光州二百二十里南至安州二百五十里一十里東至光州二百二十里南至光州二百六十里西南北至蔡州二百八十里東南至光州二百六十里西南至隨州二百四十里西北至唐州三百五十里土產緋葛舊貢

蒲

有

護國

有

有

有

有

太平寰宇記州境東西二百五十里東北一百七十里東至東京九百三十六里東至西京五百八十五里西南至長安三百二十五里東至絳州三百七十里南至絳州一百七十八里西至同州八十一里北至絳州八十一里東北至絳州取桐鄉路二百四十五里西南至華州一百四十七里東南至陝州二百四十五里西北至同州韓城縣一百四十里冊府元龜長興三年三月河府奏重開廢銅冶

孟

有

河陽三城

有

有

有

有

五代會要開平元年七月敕改武牢關為軍仍置虎牢
軍使 太平寰宇記州境東西二百九十四里南北五
十里東南南至東京三百五十里西南至西京七十里西
南至長安九百一十里東至滑州四百四十里西至絳
州五百六十里南至汝州二百五十里北至懷州七十
里東至鄭州二百里東北至衡州三百二十里西北至
澤州二百里土
產黃魚鮓古貢

懷

有

有

有

有

有

太平寰宇記州境東西二百一十七里南北一百一十
五里東南至東京三百三十里西南至西京一百四十
里西南至長安八百七十九里東至衛州二百六十里
南渡河至鄭州一百九十里西至河南府濟源縣七十
三里北至澤州一百四十里東南至鄭州一百五十六
里西南至河南府一百四十里西北至河南府界一百
七十里東至衛州缺土產絁人貢
元龜周太祖廣順三年遣中使脩懷州城池

晉

有

初曰定昌
後曰建寧

有

建雄

有

有

有

太平寰宇記州境東西三百二十四里南北三百五十二里東南至東京九百里東南至西京六百二十四里西南至長安七百三十里東至潞州三百九十里南至絳州一百四十里西至慈州二百一十五里北至汾州三百六十里東南至澤州四百六十里西南至慈州二百一十里西北至隰州二百五十里東北至沁州二百九十里土產蠟燭貢

絳

有

有

有

有

有

太平寰宇記州境東西三百六十五里南北二百三十二里東南至東京一千里東南至西京取垣縣王屋路四百八十四里西南至長安五百九十里東至澤州四百五十里南至陝州二百二十里西至同州四百一十里北至慈州三百七十里東南至河南府五百里西南至蒲州三百七十里西北至慈州二百四十里東北至晉州一百四十里

陝

有

國鎮

有

義保

有

有

有

五代會要梁開平元年七月敕建國稱都俾新其制况山川之險表裏為防今二京俱在關東以內仍以潼關隸陝州復置河潼軍命號州刺史兼領之其月敕改虎牢關為軍仍置虎牢關軍使太平寰宇記州境東西二百七十里南北二百六十五里東至東京七百里東至西京三百五十里西至長安四百六十九里東至河南府永寧縣一百一十六里西至華州華陰縣界二百二十五里南至號州玉城縣一百四十里北至絳州界一百六十里南至號州九十六里東南至河南府永寧縣界一百六十里東北至解州聞喜縣二百四十里西北至絳州二百二十里土

號

有

有

有

有

有

太平寰宇記州境東南一百六十里南北一百一十四里東至東京七百六十里東至西京四百五十五里西北至長安四百三十里南至鄭州七百里西至華州二百三十五里北至絳州三百四十里東北至陝州一百三十三里東南至汝州五百一十里西南至商州三百七十里西北至潼關一百三十里自潼關至華州一百二十里

又至河中府一百八十
三里土產方紋綾貢

華

有感化

有鎮國

有

有

有罷軍

太平寰宇記州境東西一百四十三里南北一百三十
五里東至東京約九百八十里東至西京約六百一十
里西至長安一百五十里東至陝州二百六十里南至
商州二百八十里北至同州六十里東南至虢州一百
六十里西南至金州一千八百里東北至河中府一百
五里西北至耀州一百五十里土產朱柿子出豐原鄉
董侯里石踏爐出將相鄉獼猴谷此二物原貢今停唐
時貢五粒松一名乳毛松十二月採出蒲谷今不貢

商

有

有

有

有

有

太平寰宇記州境東西三百三十里南北五百五十里
東北至東京一千二百里東南至西京八百六里西北
至長安二百六十里東至鄧州七百里南至合州七百
里西至金州七百里北至虢州四百里東南至均州豐
利縣六百八十里西至華州山路
二百七十里東北至虢州全上

同

有

武忠

有

國

有

有

有

五代會要雲陽縣富平縣三原縣後唐天成二年七月
 敕富平等三縣比屬西畿並是次赤縣因置耀州制元
 屬邑降縣宜依舊為次赤且屬耀州又長春宮梁開
 平元年五月申書門下奏請廢同州長春宮使從之後
 唐同光元年十一月復置長春宮使額晉天福四年四
 月敕其同州長春宮使額宜停公宮職務委州司制置
 太平寰宇記州境東西一百八十五里南北二百二
 十八里東至東京一千一百里東至西京六百五十里
 西至長安二百八十里東至河東郡八十一里南至華
 州七十八里西至華州下邽縣八十九里北至鄜城縣
 二百四十二里東南至華州華陰縣缺西南至京兆府
 二百七十里西南至京兆府同官縣九十里東北至龍
 門縣一百六十六里土產石燉餅舊貢同州郃陽縣梁
 割隸河中府後唐天成元年復舊澄城縣梁割屬河中
 府後唐同光初復舊韓城縣梁割屬河中府後唐天成
 元年復舊文獻通考梁以京兆府之同官奉先來屬
 以郃陽澄城韓城屬河中府後唐復為正國軍以奉先
 還隸京兆府及廢郃州以美原來屬郃陽澄城韓城還

隸

五代史記卷第六上

職方考

三十九

耀

岐

義勝有靜勝

有

復曰耀州改順義

有

有

有

罷軍

太平寰宇記州境東西一百九十里南北一百八十里
 正東偏南至東京一千二百里正東偏南至西京八百
 里正南至長安一百六十里東至同州一百八十里西
 至汾州三水縣界一百三十里南至永豐軍一百六十
 里北至坊州一百八十里東至華州一百八十里西南
 至永興軍涇陽縣界六十七里東北至坊州宜君縣界
 八十三里西北至邠州一百八十里華原縣神龍元年
 復為華原縣後唐同光初於此置耀州縣屬焉富平縣
 後唐同光初割屬耀州三原縣縣屬雍州後唐初割屬耀
 州雲陽縣神龍初復舊為雲陽縣後唐同光初割屬耀
 州輿地廣記富平隋屬京兆郡唐因之後屬耀州三
 原隋屬京兆郡唐因之後屬耀州雲陽隋屬京兆郡唐
 因之後屬耀州長安志黎園鎮在雲陽縣金龜鄉王
 褒雲陽宮記曰車箱坂下有黎園漢武築之大一頃樹
 數百株青翠繁密望之如車蓋鎮因名之
 唐李克用以并師討邠岐駐軍梨園寨

解

有

置隱帝

有

太平寰宇記州境東西一百七十里南北五十里東至東京七百一十五里東至西京三百八十五里西至長安三百七十五里東至河中府一百里南至虢州九十里北至河中府倚氏縣界三十里東南至陝府七十里經中條山白徑嶺路過不通人馬北至陝府經安邑縣南過上柳谷山路至陝府一百三十五里西南至陝府芮城縣界二十一里西北至河中府虞鄉縣界三十里

邠

岐難有

有

有

有

有

太平寰宇記州境東西二百里南北一百里東至東京一千五百三十二里東南至西京一千一百三十三里東南至長安二百八十二里若醴奉天縣東至坊州三百二十五里北至寧州一百九十里西至涇州一百九十里西南至鳳翔府一百六十二里東南至坊州三百一十五里西北至涇州三百一十五里定平縣唐末曾為行州周世宗顯德五年廢為定平縣隸邠州尋屬寧州皇朝又隸邠州文獻通考邠州周廢行州為定平

縣來屬

寧

岐有

有

有

有

有

太平寰宇記州境東西一百一十六里南北一百五十四里東南至東京一千八百里東南至西京一千三百一十四里東南至長安四百五十二里南至邠州一百四十二里東至坊州三百二十五里西至涇州一百七十三里北至慶州一百二十七里東南至坊州三百三十里南至涇州一百八十里西北至涇州臨涇縣二百三十三里東北至邠州直羅縣三百八十九里土產防風貢輿地廣記寧州定平周後來屬

慶

岐有

有

有

有

有

太平寰宇記州境東西二百五十二里南北四百七十里東南至東京一千八百二十四里東南至西京一千四百一十四里東南至長安五百六十四里東至邠州三百九十里南至寧州一百二十七里西至原州三百七十里北至鹽州五百五十里東南至邠州三百九十五里西南至涇州三百二十三里西北至靈州六百四

上里東北至延州四百五十里
元豐九域志慶州唐定安軍節度後唐降軍事
輿地廣記慶州唐升定安軍節度後唐降之
文獻通考慶州李茂貞建為定安軍節度梁為武靜軍周廢延慶合水二縣

衍 岐有 有 有 有

輿地廣記定平唐末置衍州周顯德五年州廢屬邠州
通鑑注周顯德五年廢衍州為定平鎮隸邠州

威 有 有 有 有
高祖 改曰 環州

五代會要晉天福四年五月改舊威州為清遠軍
平寰宇記周顯德四年降為通遠軍軍境東西一十里
南北一百二十里東南至東京約二千里東南至西京
一千六百八十里東至東原稜蕃部界三里西至甜水
堡蕃部界五里南至木波鎮界四十里北至靈武路烏
崙寨三十里元無漢戶四面並是蕃部東南至蕃部獨
家族一十五里西南至蕃塘利族一十五里東北至蕃
部鼻家族一十五里西北至蕃部傍家族一十五里
通鑑注威州唐之安樂州也中世沒於吐蕃大中三年收
復更名威州梁唐奔之晉復置後周改為環州以大河

環曲為名亦唐初之舊州名也趙珣聚米圖經靈州南至環州五百里

鄜

岐大有

有

有

有

有

太平寰宇記州境東西二百六十七里南北一百七十三里東南至東京一千二百里東南至西京九百八十里東南至長安五百里東至慈州一百里南至坊州一百四十五里西至慶州三百九十里北至延州一百五十里東南至同州二百五十里西南至寧州一百五十里西北至蕃部一百八十里東北至丹州一百一十里土產龍鬚蓆貢鄜城縣唐末李茂貞建為翟州梁開平三年改為禧州又改縣為昭化縣後唐同光元年復為鄜城縣依舊隸鄜州輿地廣記鄜州鄜城縣唐末置翟州梁改為禧州改鄜城縣曰昭化後唐同光元年復改為鄜城屬鄜州文獻通考鄜州李茂貞建為保大軍節度後唐以坊州鄜城來屬

坊

岐有

有

有

有

有

太平寰宇記州境東西二百里南北一百四十里東至東京一千四百三十里東至西京八百九十里南至長

安三百六十里東至丹州二百六十里西至寧州三百
二十五里北至鄜州一百四十五里東南至同州二百
七十五里西南至邠州三百一十五里西北至慶州三
百八里東北至丹州二百六十里土產龍鬚蓆貢文
獻通考坊州後唐
以鄜城屬鄜州

丹
岐有有有有有

太平寰宇記州境東西一百九十五里南北九十里東
至東京一千三百五十里東至慈州界黃河岸八十里西南
至長安五百五十里南至同州三百二十里西至鄜州一
百八十三里北至綏州三百八十里東南至同州韓城
縣界一百三十五里西南至坊州二百六十里西北至
延州二百一十二里東北至隰州四百三十
里土產龍鬚蓆蠟燭香子苦參已上舊貢

延
岐有有有有有

太平寰宇記州境東西三百六十四里南北二百六十
一里東南至東京一千五百三十里東南至西京一千

一百三十里西南至長安九百里東至隰州三百九十里南至鄜州一百五十里西至慶州四百五十里北至夏州三百六十里東至慈州三百九十四里西南至鄜州一百三十里東南至綏州三百三十里西北至夏州長澤縣一百七十里東北至隰州黃河界二百二十里自河至隰州一百四十里土產黃蠟貢

夏

有

定

有

有

有

有

太平寰宇記州境東西二百一十五里南北七百五十里東南至東京一千四百八十里東南至銀州二百六十里東南至長安一千五百五十五里東至銀州二百六十里東南至長安一千五百五十五里東至銀州二百六十里西至延州三百八十三里西至靈州五百五十里舊記云西至延州三百八十三里西至黃河八百里舊記云至安北府八百里東南至綏州四百四十里西至慶州五百九十一里東北至勝州九百里西至豐州七百五十里文獻通考夏州唐末拓跋思恭鎮夏州討黃巢有功賜姓李氏世有夏銀綏宥靜五州之地

銀

有

有

有

有

有

太平寰宇記州境東西二百七十一里南北三百二十八里東南至東京一千八百二十里東南至西京一千四百一十里西南至長安一千一百六十里東至石州界黃河一百六十里南至綏州一百六十里西至夏州二百里北至勝州柘珍驛二百五十里東南至綏州二百四十里西南至綏州三交土埃七十五里西北至夏州二百里三十里東至綏州三交土埃七十五里東至麟州三百里土產女稽布貢興地廣記銀州唐末陷為拓跋氏代以來為西夏所有

綏

有

有

有

有

有

太平寰宇記州境東西一千九百一十里南北數缺東南至東京一千七百四十里東至石州界黃河一百三十里西至長安一千九百一十里東至石州界黃河一百三十里西至孟門關東去石州九十五里西南至延州三百四十里北至夏州三百六十里西北至銀州一百六十里西至夏州四百里東南至隰州石樓縣西北黃河為界一百五十里東至銀州二百四十里土產胡女布貢蠟燭貢

有

有

有

有

有

有

太平寰宇記州境東西一百一十里南北一百三十里
東南至東京二千四百一十里東南至西京一千九百
九十里南至長安一千一百九十里南至桃子堡三十
里為界南至洪門鎮八十里為界西至五原郡鹽池一
百八十里為界北至神堆澤五十里為界以北屬夏州
東南至古長城六十里屬夏州界西南至盤堆八十里
西北至黃堆八十里為界以西至故宥州一百二十
里為界屬夏州東北至市澤四十里為界以東北至夏
州八
十里

靈

有

朔方

有

有

有

有

太平寰宇記州境東西五百八十里南北八十里東南
至東京二千五百三十里東南至西京二千一百一十
里東南至長安一千二百五十里東至鹽州三百里南
至寧州五百里西南至涼州九百里北至磧南彌娥川
水一千里東南至慶州六百四十里西南至豐安一百
八十里東北至豐州九百三十七里
五代會要天福

七年四月降雄州爲昌化軍警州
爲威肅軍其軍使委命本道差補

鹽

有

有

有

有

有

太平寰宇記州境東西二百四十八里南北二百七十八里東南至東京二千四百三十里東南至西京二千一百一十里南至長安一千五百五十里東至綏州六百八十里南至慶州五百五十里西至會州八百里北至宥州一百四十里東南至延州五百三十里西至靈州七百里西北至靈州三百里
文獻通考五代及宋時俱沒於夏

五代史記卷第六十上

五代史記卷第六十上